

幼學瓊林

將略

【原文】

治世以文，弼亮之臣攸賴；勦亂以武，熊罷之士宜先。

起、翦、頗、牧、秦趙之干城；衛、霍、英、彭，炎劉之上將。

太公黃鉞白旄以董六師，武侯葛巾羽扇而臨大敵，將在謀而不在勇；曹公渡江八十萬，敗於周瑜，先主連營七百里，破於陸遜，兵在精而不在多。

熾牛尾以沖燕，竊虎符而救趙，爲轟雷掣電之師；雅歌投壺以臨戎，輕裘緩帶而拒敵，乃鎮靜雍容之將。

韓信囊沙以破楚，鄧艾踰崖以襲蜀，孫臏收滅灶之功，馬援定聚米之策，此多算而勝之驗也；飛將軍一見而魂銷，?天威七擒而心服，郝玘怖小兒之啼，石虔愈病夫之瘡，此威名素著之征也。至於濟河焚舟，誓死不回而報晉；臥薪嘗膽，深謀積慮以平吳。

鳴琴擁篲，無兵而示以莫測，唱籌量沙，不足而見其有餘。

班定遠三十六人，收西域五十餘國，不費斗粟以成功，實建不世之業；曹武惠二十萬眾，下江南四十餘州，不殺一人而定國，乃稱王者之師。

是以信陵歸魏，強秦不敢加兵，樂毅去燕，全齊得而復失；每覘後傑之行藏，可卜邦家之貞悔。

科第

【原文】

士人入泮曰采芹；舉子登科曰釋褐；賓興爲大比之年，賢書即鄉試之錄。鑿戰棘闈，青錢中選；榮膺鶻薦，席帽離身。

鹿鳴以榮文榜，鷹揚以耀武科；文章中式，望朱衣之點頭，經術既明，取青紫如拾芥。

宴罷曲江，快紅綾之賜餅；名登天府，羨柳汁之染衣。

特拔謂之出頭地，崛起謂之破天荒；中狀謂之佔鰲頭，發解謂之魁虎榜。

賜宴瓊林，宋朝盛典；探花杏苑，唐世殊恩。主司稱爲座主，衣鉢相傳；同榜皆是同年，姑蘇大會。

貢籍見遺，龍門點額；公車獲雋，雁塔題名。金殿唱第曰傳臚，鄉會放榜曰撒棘。

攀仙桂、步青雲，皆言及第；紅勒帛、孫山外，總是無名。

詩美作人，程試即薪樵之典；易推連茹，進賢乃彙征之途。入彀英雄，喜羅多士；滿城桃李，賀得門生。

慰人之下第，則曰賺了英雄；憐士之無依，亦云傍誰門戶。雖然有志者事竟成，佇有榮華之日；信乎成丹者火候到，莫辭烹煉之功。

-文階

【原文】

聖主有出震向離之象，大臣有扶天捧日之功；公孤位比三臺，郎官序應列宿。

宰相爵居鼎鉉，選曹職掌銓衡。

曰天官，曰地官，曰春官，曰夏官，曰秋官，曰冬官，六部寮采之通稱；曰冢宰，曰司徒，曰宗伯，曰司馬，曰司寇，曰司空，尙書侍郎之總號。

柏府烏臺，推崇都憲，鳳池薇省，贊美詞林；皇華以譽行人，司成以尊祭酒。

內而科道，總稱柱後惠文；外而督撫，並號中丞開府。

方伯藩侯，布政參議之職；臬司廉憲，提刑按察之名。學政號曰文衡，鹽法稱爲鹺憲。

郡侯刺史，太守名尊；別駕治中，府寮望重。州牧邑長，乃知州知縣之號；貳尹少府，即縣丞縣尉之稱。

仕宦俗號鄉紳，農官古稱田畯。鈞座臺座，皆推顯宦；憲轅虎幄，並譽尊僚。

初官曰筮仕，蒞任曰下車；任滿曰及瓜，歸田曰解組。

秩官既分九品，命婦亦有七階；婦人受封曰金花誥，中書詔敕曰紫泥封。

唐帝以金甌覆宰相之名，宋主以美珠箝諫臣之口。金馬玉堂，群羨翰林聲價，朱轡皂蓋，爭看郡守威儀。

八座皆紫閣名公，五馬即黃堂太守。代天巡狩，直指通稱；指日高昇，官僚美譽。

藩垣屏翰，有侯伯之尊；墨綬銅章，乃子男之列。太監掌宮門之禁令，故曰闈宦；朝臣皆摺笏於紳間，故曰搢紳。

樹愛甘棠，召伯化行於南國；碑名墮淚，羊公澤被於襄陽。魚頭贊魯直之豐稜，伴食嘲盧相之緘默。

王德用稱黑王相公，趙清獻號鐵面御史。劉守愛民，蒲鞭示辱；羊君潔己，官署懸魚。

直言不諱，何殊鳴鳳朝陽；彈劾無私，未許豺狼當道。

鄧侯政美，挽之不留；謝令性貪，推之不去。蜀郡民歌五袴，漁陽麥秀兩歧。

魯恭三異，中牟桑下有雉馴，郭伋重來，?境兒童迎竹馬；鮮於乃一路福星；司馬是萬家生佛。鸞鳳不棲枳棘，主簿快睹仇香；河陽遍種桃花，縣令欣逢潘岳。

劉昆宰江陵，反風滅火；龔遂守渤海，賣劍買牛；皆由德政可稱，是以令名攸著。

-武秩

【原文】

韓、柳、歐、蘇，固文人之最著；起、翦、頗、牧，更武將之多才。

小范老子，腹中數萬甲兵；西楚霸王，江東八千子弟。孫武、吳起，方略堪誇；司馬、尉繚，機權莫測。

尚父六韜，有文武龍虎豹犬之別；石公三略，有上略、中略、下略之分。

蒐、苗、獮、狩，四時以簡車徒；虎、貔、熊、羆，三軍以張威武。

開府元戎，即都督總兵之號；參戎都闔。即參將都司之稱。游擊守備，有遊戎鎮撫之名；守禦把總，有千侯百宰之譽。

以車相向曰轅門，顯揭戰功曰露布，刻日交鋒曰對壘，議和釋怨曰行成；戰勝班師曰凱旋；戰敗奔走曰追北；為君泄憤曰敵愾；為國紓難曰勤王。

獨立大樹下，馮將軍不炫戰功；勞軍細柳營，漢文帝方知將略。

庸王侈言兵眾，投鞭可以斷流；英流自薦纔奇，處囊便當脫穎。

國士無雙，受辱於胯下；孺子可教，進履於圯橋。

穩跡為牧豕奴，卒膺長平之秩；降身為屠狗輩，竟啓舞陽之封。

求士莫求全，毋以二卵捐勇將；用人如用木，勿以寸朽棄良材。

總之君子之身，可大可小；丈夫之志，能屈能伸。寧學淮陰之將兵，多多益善；毋為平原之從者，碌碌無奇。

自古英雄，難以枚舉；欲知兵略，須諳韜鈴。

-父子

【原文】

何謂五倫？君臣，父子，夫婦，昆弟，朋友；何謂九族？高、曾、祖、考、兄弟、子、孫、曾、玄。

始祖尊爲鼻祖，遠孫號曰耳孫；父子相繼，肯構肯堂；作述俱賢，是橋是梓。

祖稱王父，父曰嚴君。父母康寧，比椿萱之並茂；子孫發達，似蘭玉之聯芳。

不癡不聾，不作阿家翁；得親順親，方可爲人子。

孝養祖母，李密陳情；尊奉家公，侯霸垂訓。蓋前愆，名爲乾蠱；育義子，乃曰螟蛉。

生子當如孫仲謀，曹公嘆美之語；生子須如李亞子，梁主羨慕之詞。

菽水承歡，貧士養親之樂；義方立教，賢父愛子之心。紹我箕裘，克昌厥後；纘戎祖考，無忝所生。

具慶下，表父母俱存；重慶下，謂祖孫相繼。詒厥孫謀，乃稱燕翼；繩其祖武，是謂象賢。

家有令子，慶麟趾之呈祥；室有佳兒，羨鳳毛之濟美。王右軍分甘自娛，郭汾陽問安惟頷。

和丸教子，仲郢母賢；戲彩娛親，老萊子孝。毛義捧檄而喜，感親之在；伯俞被笞而泣，痛母之衰。

慈母望子，倚門倚閭；遊子思親，陟岵陟屺。家督斯堪主器，門子乃能克家。

父期其子曰充閭，子勝其父曰跨灶；寧馨英物，無非羨彼之兒；國器掌珠，悉是譽人之子。

可愛者子孫之多，若螽斯之揖揖；堪誇者似續之盛，如瓜瓞之綿綿。

-兄弟

【原文】

天下無不是底父母，世間最難得者兄弟。須貽同氣之光，無傷一本之誼。
玉昆金友，羨兄弟之俱賢；伯埴仲箎，喻聲氣之相應。
兄弟既翕，花萼相輝；孟季齊芳，棣華競秀。
患難相顧，似鵲鴿之在原；手足分離，如雁行之折翼。
元方、季方俱盛德，難兄難弟；景文元憲共登科，大宋小宋。
潁州八龍著譽；河東三鳳馳名。
賈門三虎，偉節獨優；馬氏五常，白眉爲最。
八元八愷，希世之才；雙璧雙珠，曠代之勝。
征東破斧，周公大義滅親；遇賊爭先，趙孝輕生代弟。
煮豆燃萁，諷其相害；斗粟尺布，譏其不容。
變起鬩牆，尙堪禦侮；天生羽翼，自是同仇。
姜家制被以同眠，宋帝灼艾以分痛。
田氏分財，忽悴庭前之樹；孤竹讓國，共甘首陽之薇。
雖曰不如友生，亦云莫如兄弟。
至於世父諸父，皆伯叔之稱；若夫猶子從子，乃諸姪之謂。
家有名士，王濟諱言叔癡；阿大中郎，道韞雅推叔美。
名以鎮惡，王猛知孫之非常；譽以龍文，楊昱誇弟之特異。
烏衣郎，稱王謝之子弟；千里駒羨苻朗爲可兒。
竹林杯酒，阮家叔侄之狂；玉樹芝蘭，謝氏門庭之盛。
存姪棄子，悲伯道之無後；事叔如父，羨仲郢之居官。
盧邁無兒，以姪主身之後；張范遇賊，以子代姪而生。
百犬同牢，陳氏義門獨著；九族均賚，范公高誼無倫。
非遵象山之三聽，焉能亢宗；必師公藝之百忍，斯堪裕後。

-夫婦

【原文】

孤陰則不生，獨陽則不長，陰陽和而後雨澤降；男以女爲室，女以男爲家，夫婦和而後家道成。夫謂妻，曰內子，曰細君，妻稱夫，曰良人。受室自言娶妻，納寵謂人買妾。賀人成婚曰諧伉儷，稱人納妾曰如夫人。結髮系是初婚，續弦乃爲再娶。婦人重婚曰再醮，男子無偶曰鰥居。如鼓瑟琴，好合之謂；琴瑟不葉，反目之稱。牝雞司晨，比婦人之預事；河東獅吼，譏丈夫之畏妻。蒸梨出妻，曾子善全孝道，殺妻求將，吳起何其忍心。張敞畫眉，兒女之態可哂；董氏封發，貞潔之性堪誇。冀缺夫婦，相待如賓；仲子夫婦，自食其力。糟糠不棄，宋弘可謂義夫；眉案相莊，梁鴻喜得賢婦。樂昌破鏡之分，蘇蕙回文之織，悵矣生離；張瞻炊臼之夢，莊子鼓盆之歌，悲哉死別。鮑宣之妻提甕出汲，內助斯賢；陶潛婦同志耕鋤，隱德最著。可怪者買臣之妻，家貧求去，不思覆水難收；可丑者，相如之婦，夤夜私奔，但識絲桐有意。要知身修而後家齊，必也夫義自然婦順。

-師友

【原文】

宣聖杏壇，弟子三千，而賢人七十，馬君絳賡，後列女樂，而前授生徒。
設教有如振鐸，待問何異叩鐘。
賈氏舌耕，後人謙爲糊口；孔門心服，諸生賴以折衷。
師號西賓，尊師席曰函丈；學名家塾，餽學俸曰束修。
門牆桃李，謂受業之衆多；苜蓿蘭乾，言供膳之菲薄。
冰生於水而寒於水，比後進之過於先生；青出於藍而勝於藍，喻弟子之優於師傅。

未獲及門，曰宮牆外望；已承秘授，曰衣鉢真傳。
楊震是關西夫子，賀循乃當世儒宗。
負笈爲千里游，李固就師之篤；程門立三尺雪，游楊敬學之誠。
稱師善教，如坐春風之中；感業有成，得沾時雨之化。
師嚴乃道尊，甄陶必資模範；友良斯德備，攻玉端藉他山。
取善輔仁，貴於益友；往來交際，爰有嘉賓。
爾我同心，似金蘭之最摯；友朋合志，可麗澤以相滋。
先世通家，尊爲父執；平生齊契，號曰同袍。
行合趣同，乃雲莫逆；披衿領契，是謂忘形。
廉藺爲刎頸之交，孫周原總角之好。
膠漆雖堅，不若雷陳之誼合；雞黍有約，應知張范之情通。
王陽在位，貢禹因以彈冠；杜伯遭刑，左儒不辭死諫。
信乎同人於野，如襲芝蘭之香；倘若比之匪人，如染鮑魚之臭。
肝膽相托，是謂心期；意氣不孚，無非面友。始終如一曰耐久，老幼相得曰忘年。

果能如水以全交，須融冰炭；勿以乾?之失德，遂致參商。
落月屋梁，相思顏色；暮雲春樹，企望豐標。
陸士和折梅逢使，聊寄江南一枝春；王摩詰攀柳贈行，快唱陽關三疊曲。
班荆傾蓋，途遇交歡；操篲掃門，迓迎致敬。
頻來無忌，居然入幕之賓；不請自來，洵是不速之客。
敘別則曰分袂，締交則曰盍簪。
設醴不常，楚王禮賢之意怠；投轄無厭，陳公留客之心殷。
中郎倒屣以迎賓，大聖握髮以待士。
府尹重徐生之德，下榻爲歡；延陵遇子產之賢，縞紵相贈。
絕弦傷友，爲乏知音；割蓆拒朋，謂非同志。
分金多與，獨知管仲之貧；遇故贈袍，深憐范叔之困。
賓主情聯，須儘東南之美；友朋義合，共期偲切之誠。

婚姻

【原文】

良緣必由夙締，佳耦本是天成。蹇修執柯，煤灼之號；冰人掌判，傳語之人。

婚姻須六禮之周，嫁娶合二姓之好。女嫁曰於歸，男婚曰有室。

新婦謁祖曰廟見，女子省親曰歸寧。

問名納采，葉陳敬仲之鳳佔；嫁女婚男，畢向子平之素願。

成親有日，預訂星期；傳命而來，全憑月老。

委禽納幣，聘禮孔嘉；合盞交杯，新婚宴爾。

侍巾櫛，奉箕帚，嫁女謙詞；嫺姆訓，習閨儀，相夫賢德。

綠影垂窗，憫貧家之女；紅樓夾道，誇富室之姝。

桃之華，曰夭夭，曰灼灼，謂婚禮之及時；標有梅，其實七，其實三，謂吉期之已過。

御溝流葉，洵是良媒；繡幕牽絲，方爲快婿。

宮中論婦，願得金屋以貯嬌；月下言婚，方知赤繩之系足。

朱、陳一村而結好，秦晉兩國以聯姻。

藍田種玉，雍伯之良緣；孔雀射屏，唐皇之盛事。故禮先親迎，所以端人倫之始；詩始好逑，正以崇王化之原。

-外戚

【原文】

論婚姻固推尹媯，言懿戚更屬潘楊。
冰清玉潤，同時翁媯皆賢，泰水泰山，外氏舅姑並重。
新媯曰嬌客，贅媯曰館甥。
坦腹東床，執半子之禮；乘龍華閥，誇百兩之將。
女子號門楣，貴妃榮施於父族；外甥稱宅相，魏舒期報於母家。
敘舊曰原有瓜葛之親，自謙曰忝在葭莩之末。
稱姑子爲外家之寶，尊舅氏爲渭陽之情。
大喬小喬，有雙美之譽；連襟連袂，皆僚媯之稱。
蒹葭依玉，敢分戚屬之光；鳶蘿附松，全仗懿親之庇。